

LE AGENDE LIBRI, MONTAGNA E SOLIDARIETÀ SONO SUL SITO  
 WWW.TORINOSETTE.IT  
 PER INVIARE NOTIZIE E COMUNICARE CON TORINOSETTE  
 FAX: 011/6639036 E-MAIL: TORINOSETTE@LASTAMPA.IT  
 SEGUITECI ANCHE SU FACEBOOK E TWITTER

## AN PIEMONTEÏS



GIOVANNI TESIO

**D**oe còse galupe ant l'ùltim nùmer dl'arvista «Studi Piemontèis», ch'a seurt da quarantequatr agn a l'an-sègna dla Ca dè Studi Piemontèis (Vol. XLIV, fassicol I, pp. 302). Squasi 'n mìracol, ch'a l'avria damanca 'd trové d'arsorse për arnovesse. Tròpe le pression su d'àut ëd fosonant an termo 'd – coma ch'as dis – «visibilità» për speré che cheidun a senta l'ampor-tansa 'd na causa ch'a-i va ij rognon dur për teni-la 'n pé. Ma sossì a l'é tut n'àut afé. Nopà, për torné a le galuparie, racomando 'd lese – chi a l'abia pas-sion për ël piemontèis – prima l'artìcol d'Alda Rossebastiano-Elena Papa-Daniela Cacia antitolà «Onomastica piemontese». Nà ant ël sorch ëd j'interesse 'd Pare Giuliano Gasca Queirazza (magister ëd coj ch'a san), ambelessì l'ideja 'd rivé a 'n dissiona-re dij cognòm piemontèis, fasand con bela dutrin-a as j'eseampe dij nòm Barbero, Bergero, Cravero. N'antipast savorì, ch'a lassa speré për soa bin livrà an volum. Ma peuj 'dcò l'artìcol d'Ema-nuele Miola antitolà «Per una grammatica del piemontese di og-gi: gli aggettivi dimostrativi». A frapeme, ambelessì, a l'é l'ideja – nen da pòch – che 'l piemontèis, come tute le lenghe a bogia, a l'é viv e a l'ha gnun-e intension 'd tiré le bachëtta.